

頤
道
堂
詩
選

頤道堂詩選卷二十三

錢

丙戌除夕得家則園徐玉

病倉皇就道丁亥新正五日晚泊瓜州新月在林晚
潮拍岸見其錦袍羽衣執卷徘徊不言不笑意殊依
依一童子控鶴隨之良久跨鶴凌虛掠金山而南童
子亦化鶴從之烟霧中猶屢回顧聞鶴唳聲而寤則
夢也心知不祥會梅叔以楚信告則已於十二月十
六日逝矣哀痛之餘賦此以記

彷彿紅橋綠樹前一童一鶴各翩然左徒紉佩聊奇服子
晉吹笙尙少年鐵甕城遙潮上雪金山寺靜月橫烟也知

噩夢來相告愁絕西江上水船

江行乘紅船曰滄江虹阮雲臺師督楚目所造有裴之和師原韻詩蓋上年乘此南旋省親作也感而和之

情銷雲海氣銷虹客路深愁淺病中枕上三更牛渚月尊前一夕馬當風聞雞起舞人何在跨鶴孤飛夢亦空從此傳經心更切小同才畧可應同

原作

裴之

無分登瀛駕綵虹一帆蓬轉水雲中錦袍酒酣三山雨玉蘂花飛五月風歸路匡廬青入夢深秋河漢白當空少文破浪平生志偶借龍驤便不同

皖城懷舊

皖公山色翠無邊回首前塵二十年樹色有情青抱郭江
流無語白橫天三生短夢臨波榭萬斛新愁上水船風月
南樓人不識空餘鷗鳥立寒烟

潯陽江上望廬山

翠嶂疊屏風香爐界斷虹飛流三百丈直下玉淵東我泊
潯陽郭匡廬夜正中徑思披髮去一訪李騰空

小孤山

翠石天然鎮玉盤雙流東下息狂瀾金焦遠讓孤標立江
漢爭將砥柱看夜月有聲烟樹靜暮雲無際浪花寒墨痕
尙濕人長逝思子臺高不忍看

補有裴之手書楹帖

月夜泊湖口

江水連湖水微茫靜不分相看深夜月又上遠山雲沙暖
恬鷗夢風高警雁羣汀洲起漁燧哀怨不堪聞

赤壁

東風與便捲旌旗橫槩徒勞酌酒卮天意早開南渡局人
心空望北征師青龍冷泊空江靜烏鵲閒飛夜月遲壯志
未酬身早死浪花無際不勝悲

哭裴之二十一首

人生天地間繫戀惟骨肉矧此年齡頽顏衰鬚髩禿蒲柳
姿早衰桑榆景漸促所望後嗣賢有子萬事足我生祇二
子懷抱親撫育自愛掌中珍人比階前玉汝弟早年逝愴

懷歷寒燠寢膳不暫離膝前惟汝獨養同鳥哺穀愛等牛
舐犢食我與收我所望難與穀造物何不仁奪汝何太速
昌谷感夢虬賈生嗟賦鵬誰分才一斗定積愁千斛回首
卅三年長歌聊當哭

憶汝初誕生臥床我猶病汝母親侍疾汝身方在孕竟月
罷膏沐塵網昏粧鏡夜聞鶴唳聲殘月隔窓映複壁響剝
然入木勢更勁一燈照雙影相倚隔帷聽須臾汝墮地朝
陽照窓正汝祖館富春距家百里竟俄頃叩門聲家書百
金賸我病亦霍然一家心大定咸謂汝有福我亦深自慶
汝年甫免乳離母就我宿讓母育汝妹襁褓敦親睦漸解
識之無漸解分句讀窺我挿架書翻弄十五六池花沙鳥

1006
句一誦再三復掃地對補天懷抱知吐屬人言器宇恢我
亦私自卜異日昌門閭衰宗此爲福

迨汝入小學我方遊都門塗鴉與縮蚓狼藉筆墨痕爲母
作家書能達所欲言上言姑嫜健下言如姪敦餘事及瑣
屑不憚并白煩末行已名字起居問寒暄仍賦五言詩加
餐勸養殮頗有寸草意解戀春暉恩

丙年我歸里汝詩已有稿丹黃朱墨圍意頗矜美好長編
仿甲乙佳句嗜丁卯自署小碧城翁大兒應小攜汝湖上
遊畫舫春事早林壑話烟霞臺榭玩花鳥瓊枝浥露鮮玉
樹臨風皎許邵識自精謂青華覈才尤老謂秋呼汝爲國
琛謂汝爲家寶

戊年我改官吳門稱福地全家畫舫來汝亦相從至蕭齋

謂樊村

古經生詞賦作餘事汝從講席遊應舉工文字吳門

七子賢璠璣皆國器汝與通編紵壇坫豐贄幣汝志在忠

孝汝心在經濟吳門多老輩相見頗心契謂當登臺閣不

僅博科第

辛年汝入泮小試名第一論衡得史裁攷証通經術張融

謂錢唐令張公德標

與嚴維嚴公榮

激賞好文筆濂溪世宗匠

學使周侍

耶兆基

亦謂此才逸氣吐五色雲欲捧扶桑日縱論當世事

十頗得六七天厯嘶驪駟藥籠選參朮鋏網採珊瑚或向

重淵出

壬年汝娶婦名德錢唐汪外舅天潛翁相攸來吳聞汝婦

好文學班曹相頡頏金童與玉女人言比祁商倡和若琴瑟金絲韻琳琅一卷供硯圖翰墨梅花香重親咸致歡族
御稱姬姜三歲得兩雛寶之如鳳皇

癸年汝弟殤汝母痛愛子心摧神亦傷一病幾不起扶持與抑搔不假媼與婢晝夜不解帶稱藥復量水病久雖小瘥不復問滌瀉雖有饗與飧遠之若塵滓雖有精與鑿視之若糠粃日飲惟無何此事胡可恃盡力求參著苦心營甘旨求仙復求佛誠心貺祝史美酒東阿膠云可扶羸體辟穀學子房今將廿年矣酒酣燭見跋話舊輒流涕

丁年汝父病痞膈兼癰瘍諸醫咸束手勢已成膏盲汝亦感冬溫疹粟如童梁病勢亦不輕爲我心徬徨強起禮北

斗流涕呼天閭鬼神鑒汝誠錫以龍宮方四十九劑藥一
一如鴛鴦五日得倚枕十日遂起床汝婦亦純孝同心誦
高王夫婦遂異室雍睦孟與梁至今十餘年逢吉多康強
我健汝齡促能不心摧傷

庚年涖邗江東裝隨我行米鹽及凌雜一一親經營待人
本篤實處事期寬平真州浚河渠溯汝期有程彭城文淤
地礪确民不爭巍巍孫節相端右之老成見汝才幹濟知
汝心忠誠一再登薦剡期汝成功名英晤謂汝賢更有阮
琅嬛

汝婦舊家女秉性淑且賢勸汝置妾媵求之三四年秣陵
有淑女聰穎而纖妍聘之錦繡段迎之沙棠船爲營香碗

樓盈盈麗如仙能得夫子意能得大婦憐殷勤奉病姑一
見輒莞然可惜年壽促朝露凋芳荃一卷惆悵詞裊裊悲
湘烟

所志百不成一官方入手烏帽抗黃塵風雪天街走長安
盛人物相識十八九蕭寺海棠花吟社春行酒一官落滇
池南雲亘北斗萬里碧鷄天征程三月久雖有板輿安焉
能迎病母聽雨苦攢眉望雲遠搔首決計捨之去去折蘆
溝柳

鹽筴商賈事茲事豈可爲貧困謀衣食亦如病求醫積弊
密如櫛緒亦棼于絲上關國課本下係民食資汝無管
商權奈何欲治之所至遭岐刻美言甘如飴自吳遠及楚

迢迢江漢湄人情尤狙詐彷彿魅與魑所謀矧更遠巴蜀
同天涯

已卜漢上居復返吳江棹五日風濤中行李半泥淖拳拳
顧諸弟誠以靜與躁殷殷語婦子勉以慈與孝懇懇託友
朋望以誨與教諄諄誨僮僕諭以文與誥頻頻露愁歎索
索強歡笑末言安艫迎春江期舫越小作十日留又見征
帆導

臘月十五夜汝母得異夢夢入空山中荒寒冰雪凍元豹
從何來奔如馬脫鞚行將肆搏噬神懾心魂惘夢中忽見
汝獨行無僕從行行去不顧冠纓手徐弄呼名別女弟意
態覺倥傯人去夢亦醒驚定還自痛

是月小除夕漢口飛書來上無平安字執書心魂摧內言
汝患病陰寒中根荖崛強不受藥拘性如童孩屬我漢上
行亟望春帆開心知所言非終夜心悲哀卜筮走羣望吉
凶互疑猜譚語慰高堂屠蘇強追陪

新正月初二日我行遂登舟初三經梁溪初四過常州初七
始渡江日暮泊瓜州暝烟昏月中見汝行夷猶羽衣髮不
冠執卷方遲留不笑亦不言慘慘含深愁少焉跨鶴去振
衣若靈脩東經浮玉山烟靄頻回頭心知夢不祥幻想窮
冥搜俄得揚州書淚迸邢江流

鼓棹泝江上江流正東下風色況不順深夜泊中野蒼蒼
桃葉山鬱鬱梅根冶亭亭小孤山臨風酌杯斝偶然神助

順輕帆捷於馬黃州與赤壁大江東去也坡老題詩處誰
更長吟者望見漢陽樹悲歌淚盈把天河接淚流迸入春
江瀉

荒涼數間屋寂寞餘一棺賓朋盡慘沮僮僕皆闌珊風颭
總帷素塵卷銘旌丹亦有哀輓詞語意多悲酸殘縑與斷
楮澹墨慘不完遺業問何處萬里蜀道難蹤迹不可見百
感來無端憑棺一長慟寸斷摧心肝

心肝摧不死五夜縈迴腸汝心惟邁父潦倒悲名場或者重晚
及女弟定解相扶將汝心惟邁父潦倒悲名場或者重晚
晴宦海浮斜陽汝婦賢且智才略能摒擋定能代汝職佐
我持家常汝子僅存一玉質而金相庚甲頗合格所望富

貴昌遺文爲汝定遺書爲汝藏遺業爲汝營遺通爲汝償
汝心倘有知無事悲悽愴高天何蒼蒼厚地何茫茫江風
何浩浩江水何湯湯翦紙招汝魂安穩隨歸艫

旅夜聞烏啼聲

夢醒燈昏百感淒那堪中夜更烏啼斷腸聲急難爲聽反
哺心勞不肯棲綠樹橫烟零露重碧天如水亂雲低羈魂
祇在春江上黃鶴樓高月又西

庭梅一樹是裴之手植感而賦之

六曲紅闌一樹梅謝庭當日手親栽湘皋月上和烟暝漢
渚香疎帶雪開仙夢更無禽喚醒海雲何處鶴歸來江城
玉簫聲淒絕老淚淋浪濕綠苔

漢南柳色

漢南楊柳色一半是春痕繫馬前番樹啼鳥昨夜村遠烟
生碧落微雨濕黃昏豈獨桓宣武攀條欲斷魂

漢臯寒食

芳草離離滿漢臯愴懷寒食又今朝夕陽有恨隨流水春
色無情到柳條思子臺空朝雨暗夢兒亭圯暮雲遙青山
寂寞孤帆遠揮淚無緣酌一瓢

月湖

月湖宜向月中遊春月明明更勝秋宛轉畫隄平接水參
差碧樹靜當樓林間有客招雙屐花外何人艤一舟爲是
董烏觴詠處滿天風露怕句畱

楚碧樓

黃鵠磯上觀音閣小樓也慶蕉園宮保督楚日所
建裴之取姜白石詩意爲題此名閣卽古頭陀寺
大江環楚碧白石秋在小樓前霜月荆門樹雲帆漢水船
鷗盟寒聽雨鶴夢遠橫烟梁代殘碑在登臨一泣然

鸚鵡洲弔禰正平

未許奸雄說愛才自甘毛羽付摧頽網羅處處鴻難去鼎
俎明明鶴自來虛有高名動江漢更無殘碣委蒿萊長沙
賈誼沅湘屈從古文人總可哀

黃鶴樓題壁用裴之韻

江上清山山上樓崔郎游後汝來遊也同樂府雙鬟唱如

聽仙人一選秋卷裏淚痕春浪急壁間墨瀟暮雲愁令威
羽駕歸何日惆悵梅花舊隴頭

原作

裴之

黃鵠磯邊黃鶴樓仙人曾與鶴來遊雲霄闌檻金尊暮
花月江山玉筵秋紫鳳音書吳苑杳青鸞消息秣陵愁
謫仙去後吾方到崔顥題詩在上頭

黃鶴樓呂仙像側有盧生睡像春泉韻林謂神似裴
之感書二十八字

黑甜一枕味遽然蝴蝶莊周世外緣同是黃梁炊未熟盧
生夢醒爾長眠

送龔繡山內弟之巴東

君向巴東去巴東路幾千漢皋春話雨巫峽暮橫烟飄泊
憐身世蒼涼感歲年音書好相寄籌筆夜猿前

寄范白舫蜀中

碧浪湖邊白石生西泠詩社舊知名遠遊未踐還吳約垂
老重爲入蜀行巴峽暮雲遙入夢漢皋春樹定關情天涯
且作三年住河渚期君事耦耕

諸葛武侯石琴歌和汪少海

沔陽祠前秋月明定軍山下秋風生鐵騎馳逐波濤驚乃
是漢家丞相之琴聲此琴非桐亦非梓石軫石徽承石几
無絃亦解播宮商天高露下秋如水一彈兮洋洋隆中抱
膝心徜徉神龍靜臥風雲涼管樂伊呂不可方再彈兮穆

穆草廬三顧推心腹辛苦終酬六尺孤規模早定三分局
三彈四彈兮悽以哀天心已定兮不可回荆襄列郡兮付
流水號亭一戰兮成飛灰南征兮迢迢王師六出兮祁山
以高大星欲墮兮光搖搖歌招魂兮魂不可招江流遺恨
兮惟孫與曹石琴兮石琴千秋萬古兮風蕭騷

漢上題襟館

裴之思續段柯古漢上題襟集題所居曰漢上題
襟館感而賦之

當年柯古題襟處爾又題襟別館開嘯詠江山原勝地登
臨詞賦總英才池塘客去鷗同散江閣人空燕未來零落
琴樽殘卷軸不堪清淚滴莓苔

月夜登黃鶴樓聽羽士呂嶽雲吹簫

黃鶴高樓月青天萬里明仙人橫鐵笛吹作玉龍聲楊柳
江頭樹梅花隴上情夜中清嘯者淒絕若爲情

題張紫峴九鉞陶園詩集

大敵洪黃外蒼頭起異軍連波走江海奇氣鬱風雲羈宦
三生合君生平蹤跡與余劇相似浮名一席分沉吟春雨夜未敢薄夫

君

翠屏洲上客兒輩識詩壇豈意憐豚犬而云匹鳳鸞懷知
嗟我拙論古覺才難騷雅淵源在何人到建安柳村以裴之詩匹紫

峴故云

淮陰將臺石歌和張紫峴

壇在漢中府署後圃汪蘇門太守掘地所得紫峴
在豫章見之

淮陰之功不可沒淮陰之心誰與白淮陰將臺不可識何
處猶存將臺石牛羊礪角兒童鞭雨淋日炙苔花繼將臺
已圯石猶在人說淮陰拜將年拜將當年還點將將軍高
坐河魁帳八方環視一軍驚旌旗不動風雲壯臺下應分
左右甄鵠鵝蛇鳥列千羣至今城固山頭路日落烟昏有
陣雲還定三秦等閒耳楚歌散盡功成矣登壇歲月石能
言漢家帝業基於此烏盡弓藏事可哀穀城黃石亦蒿萊
一拳漂母祠前碧更憶王孫舊釣臺

張鍋魁歌

張鍋魁不知何許人居成都業鍋魁鍋魁大餅也
無名人以鍋魁名之王師征金川爲衆兵負資
裝並賣鍋魁笑遇賊兵不敵勢危甚鍋魁怒奪刀
盡殺賊兵得無恙將軍欲官之予以財並不欲仍
歸賣鍋魁於成都市中紫峴集中有樂府一篇論
者推壓卷因和之

將軍萬馬征西來錦江玉壘風雲開功成不上凌烟臺如
張鍋魁真壯哉鍋魁里貫不知處偶向錦官城畔住幕天
席地造鍋魁軍中日賣鍋魁去林深箐密馬不行賊衆笑
出青天驚賊多兵少勢不敵鍋魁不來無一生賊語狎且
驕鍋魁怒背裂奪取長刀亂殺賊殺賊已盡刀不折衆兵

報將軍將軍肅然呼壯士欲官與官欲財與財姓氏功績
一一奏 天子鍋魁搖手不願財不願官亦不願上奏
天子前男兒慷慨聊自雄偶然殺賊非奇功還汝長刀去
不顧蕭蕭萬馬嘶天風成都市上酒一杯鍋魁跳跣還歸
來兒童嘻嘻攔道問拍手爭看張鍋魁將軍師旋大旗赭
鍋魁仍臥旗鈴下幾輩影纓騎怒馬論功誰似鍋魁者

檢裴之遺稿有寄徐星伯舍人論西域兵事書感題
一律

遠沂河源叩智囊冰山雪嶺入周防無端粉黛開戎壘終
見錢刀起戰場瀚海頽雲沉戍角長城冷月上邊牆請纓
空抱終軍志賸有叢殘墨數行

青鸞閣

漢皋厲廬皆闌闌自來此間終日作故人書苦不
得清靜地會移他屋後有小閣足度筆硯余寄故
人書常用舅兄所鐫青鸞小印押尾因以名閣也
日續漢上題襟者好配仙人黃鶴樓也

女牀無樹不棲鸞青入雲霄好羽翰解共雁書馳遠道勞
將魚素達平安瓊枝警露棲難穩玉樹凋霜夢易殘黃鶴
高樓何處是梅花玉遂共清寒

羅浮胡蝶

似爾文章亦可憐六朝金粉尚翩翩吟成謝逸空留影夢
醒莊周未得仙洞口寒梅香散雪臺前瘦月朦橫烟招魂

腸斷湘皋路抵得東風哭杜鵑

韻林得隴山鸚鵡雛教之誦余小詩余字之曰小翠
並作此詩贈之

小字真應配阿蘇飼來香稻比明珠偶譚天寶憐宮女解
誦金經定佛奴花落怕逢春盡鵲月明又聽夜啼烏可憐
文采爲身累毛羽摧頽到鳳雛

漢皋以五月望日爲大端午龍舟競渡士女傾城感
而賦之

畫船簫鼓弔湘沅此意分明薦白蘋荆楚記中花濺淚汨
羅江上鳥啼冤誰家翠袖新鬟影往事青衫舊酒痕我正
天涯憶文度烟波淒絕與招魂

自來楚北屢得慶蕉園宮保師粵東惠書慰問再三
深逾骨肉感寄一律

極目珠江萬里秋高懷真合並荊州遠勞南海慈雲蔭來
慰西河暮雨愁兩世姓名頻說項十年心事總依劉憐才
自有家風在太息衰絲已白頭公爲尹文端公子述之謝
陋蒙公青睞比之隨園

黃鶴樓送楊子堅歸京口

天台瀑布金華石十年不見瓊臺客漢皋烟雨一相逢垂
柳垂楊幾千尺君家黃鶴山來登黃鶴樓前生或者是黃
鶴白雲千載同悠悠費公已去崔郎逝依舊江樓壓空翠
讓爾題詩在上頭低首宣城同此意君才不數長安崔可
曾樓上題詩來我欲掉頭避君去鳳皇何處餘空臺桃花

祠前春水碧梅子山前月華白江城五月落梅花喚起仙人夜吹簫美酒蘭陵沽十千座中誰是李青蓮孤帆遠影碧空盡如送東行孟浩然君歸北固樓林樾回首湘南青萬笏漢上題襟大有人期君更看西樓月

月湖古郎官湖也太白與張正言泛此得名葉甥若生自吳門來漢上省視余邀同泛舟湖上作爲此詩月湖如月影團圓流照清輝一倍寒憐我此間成旅客期君他日作郎官桃花祠近浮紅檻梅子山遙漾翠瀾擬築一龕棲二客琴臺西畔起詩壇

題汪少海詩集

蜀道青天上江山出羈才騷壇堅壁壘酒國富樽罍邛坂

題名去岷源滌筆來奇情與豪氣字字起風雷

亦是洪

雅仲

黃則派蒼頭起異軍箭鋒橫拂雪劍氣直干雲

玉塞新書記

擬從參贊楊公遇春西征

錢塘舊使君篇終憶嚴助

謂麗生

鵬鶚自爲羣

畢竟湖山好微吟句自華春園醉花月秋嶺嘯烟霞碧澗
頻看竹青門約種瓜西溪來往熟應識舊漁家

章華臺

小市長隄碾白沙君王曾此建章華當年歌舞橫江出今
日樓臺抱郭斜詞客心懸巫峽雨美人腸斷渚宮花細腰
高髻都零落不盡羈愁滿樹鴉

高唐觀

天末依然擁翠鬟陽臺何處可追攀悠悠暮雨虛無外脉脉朝雲縹緲間此夢至今傳楚國有人終古望巫山離騷亦是靈均意應悔微詞誤玉顏

屈原宅

讀罷離騷四壁哀左徒奇服自徘徊世將忠愛歸吾輩天爲文章賦此才帝子雲旗虛夜月美人香草沍秋苔水仙配食今誰是更爲招魂酌一杯

宋玉墓

景差唐勒總知音爭似先生感倍深諷諫偶因神女賦離騷依舊左徒心招魂楚些悲蘭畹遺宅蘭成問竹林惆悵荆臺埋骨地半鈎黃土弔青琴

賈誼祠

經術休論董仲舒文章亦過馬相如豈知宣室勞前席翻
使長沙賦謫居遠慮不關秦二世離騷曾弔楚三閭少年
自古多才患光範門前莫上書

鷓鴣

蘭燈錦幕曲中彈翠袖羅衣畫裏看垂老誰娛李居士
米 宗古垂老病足養鷓鴣以樂餘年吟詩空憶鄭都官雨昏折坂青楓濕
月冷湘皋苦竹寒也識天涯行不得聞聲爭禁涕洟瀾

送雲莊入蜀並寄白舫用太白韻

辛苦巴江路勞君爲我行孤舟秋漲急古驛暮雲生衰草
黃牛峽斜陽白帝城相逢范孟博爲我說生平

巫山高

巫山高高以竒翠縹緲青參差巫山高高以秀春黛濃秋
影瘦巫山高高以深碧簪塹青楓林巫山高高更遠望荆
臺橫楚苑巫山高高如何佇漢女招湘娥巫山高高幾許
高髻粧細腰舞君不見巫山之峯高插天我行已陟巫山
巔巫山之麓低連野我行還到巫山下欲遲雲起佇雲君
除却巫山不是雲

巫山道中得異卉似瑤草也

高唐賦序帝之季女名瑤姬未行而亡封於巫山
精神化爲草故名瑤草類珊瑚樹仙家用以合丹
是否呼龍種亭亭護石關分明一莖草能化九還丹花裏

瓊田熟池邊翠水寒仙山珍絳實不復詠湘蘭

宿巫山下懷李白

三宿巫山下猿聲處處聞不知前夜雨隔斷幾峯雲凝黛
青山色飛花綠水紋相思不相見高詠最懷君

巫山道中望十二峯

巒迴嶂複路千盤始信人間蜀道難石氣拂空青染黛江
流倒影翠生瀾楚王宮殿雲中見神女樓臺雨後看欲載
奇峯湖上去碧城尚有曲闌干

峽中奇石林立極玲瓏竒
窕之致置之江左園林並

仇池九
華也

神女廟題壁

神女名瑤姬亦曰雲華夫人西王母第二十三女

太真王夫人之妹禹導岷江至瞿塘爲上古鬼神
龍蜺之宅護惜巢穴作爲妖怪夫人授禹太上先
天呼召萬靈玉篆之書且使其神狂章虞餘黃龐
大翳庚辰童律爲助此與黃帝征蚩尤元女下授
兵法相同上古重黎未絕天人相感故文命謂之
神禹不足異也至名山大川出雲降雨實坤輿厚
載之常故泰山之雲觸石而出敷寸而合不崇朝
而雨偏天下實惟碧霞元君司之蓋陰陽合而後
雨澤降非以陰陽爲男女也禹詢於童律所云受
回風混和萬物鍊形飛化之道上聖凝氣爲真與
道合體倏忽之間變化不測或爲輕雲或爲霏雨

豈因宋玉之賦附會耶抑相傳有此說也宋玉之賦論者以爲荒淫長卿美人陳思洛神諷一勸百實始作俑不知江漢之俗其女好遊周南喬木已詠遊女離騷九歌亦招湘君文人之詞不厭緣飾或信斯言疑楚王真有是夢夢之所見果爲神女神女果爲瑤姬是猶見海市而求神仙也或又據爾雅四荒之說以斥穆天子傳漢武內傳之誣又何異朝菌不知晦朔蟪蛄不知春秋乎平情論之神女者巫山之神也朝爲行雲暮爲行雨者出雲降雨之司也陰陽合撰主陰教者司之故巫山之神曰神女也楚王之夢果有之噩夢也無而爲有

依託也宋玉之賦迎合也附會也綜論其事加以
折衷則神女降靈巫山實司雲雨以福下民而楚
王之夢宋玉之賦皆讐言也巫山之峰十有二曰
望霞翠屏朝雲松巒集仙聚鶴淨壇上昇起雲飛
鳳登龍壁泉廟在飛鳳峰下舊有殘碑云地平天
成權輿於此功被我民十二字倣南岳禹碑今不
存矣廟額曰凝真觀宋封妙用真人

瑤姬古神女巫峽竹靈芬芝蓋瀟瀟雨華旗漠漠雲西池
禮金母東嶽配元君何事高唐賦流傳宋玉文

曉登神女廟後樓望朝雲寄姬人湘霞吳門

偶登神女廟極目望朝雲遠與明霞合遙從翠黛分露華

凝漢佩雨氣濕湘裙天末人何處徘徊最憶君

得琅嬛夫子滇南書

碧雞晨銜書金馬宵馳驛中有萬里心睠此天涯客神駒
方駟蹄鵠雛已摧翼道遠念童烏此心同惻惻上問老母
年春暉合珍惜下言愍孫孤玉樹宜培植勸我宜登高舒
嘯快胸臆更宜臨清流陶寫和肝膈著錄稔已就杭厲互
凌轢師謂余所著可
匹董浦樊榭思激東溟濤浣此西河感宦海鷗隨
波名場驥伏櫪生平大雅懷期許負拂拭不圖身世間遭
際心更盡蒼山暮烟碧昆池月華白極目南天雲夢魂應
不隔

題琅嬛師見寄萬里集

一年一萬四千里此集郵程又八千自演寄揚又月御舒

光輝夜驛三度宿遷江縣驛皆見月山靈留雨送春船桂林隄河水涸公舟至而雨集

遂行神仙自得烟霞趣師弟偏深翰墨緣尙有三州遲使節
年年援筆和新篇

來鶴篇和萬里集中作卽用原韻

原序云雲南督署之東園亭館花木之勝爲歷任
所未有心念此間宜有鶴未幾日忽飛一白鶴來
翌日又有一鶴盤旋空中鳴聲相呼薄暮並集於
園月餘遂馴且能舞矣作來鶴篇

一卷新詩行萬里中有鶴聲鳴不已竹地梅天遠寄將一
笑公門舊桃李先生自是詩中仙一一鶴聲飛上天宜園

有梅復有竹對竹思鶴懷踟躕忽爾雲端下清唳南飛仿
彿橫江翅倘是仙人舊騏驎芝田解話蓬萊事點蒼山水
高且奇清獻琴鶴宜相隨天恐滇雲境孤寂紅鷺許伴王
羲之宜園宜雪亦宜月鶴來解舞還宜詩先生有詩爲鶴
唸鶴詩寄我憐同心那知我亦正相憶漢皋水比瀾滄深
烟江羽衣感春夢月湖畫舫尋秋陰欲向江樓待黃鶴仙
遇知音仙亦樂樓頭鐵篴莫更吹曲中怕有梅花落

琅嬛師書中言以余集中長慶體詩付歌者被之弦
索可挽吾杭南詞之習感而賦之

一編長慶白香山名在丹臺石室間應勝唐人新樂府旗
亭風雪唱雙鬟

青鸞小閣墨香微萬里南雲一鶴飛
滇女如花應識字教他唱罷織弓衣

黃芳谷招同人黃鶴樓延秋小集

黃鶴高唳仙人遊黃鶴矯翼詩人愁
一樓終古江水上不宜銷夏宜延秋
秋江浩浩秋水白秋風颯颯秋雨碧
崔郎去後謫仙來千一百年幾詞客
餞秋如餞客延秋如延賓樓頭獨立者
誰子應是昔年騎鶴之仙人四壁詩紅
袖拂一尊酒青衫濕秋在仙人鐵篴中
吹起樓頭舊明月峽雲縹緲秋色來
湘樹蕭槭秋聲哀樓下涼波泛遙夕猶
是江城五月梅人在高樓秋在野鶴去
不知何處也掉頭去賦鳳凰臺樓中我
是悲秋者

鄂渚

如畫江山鄂渚遊當年曾泛鄂君舟水雲影裏千年事山
木歌中一種愁繡被焚香人似玉蘭橈載月夜如秋閑情
誰是蕭夫子伐盡櫻桃不少留

武昌廉訪署後有古塚相傳是陳友諒葬處

戰艦春消一炬紅鄱陽江水恨無窮螢飛翠鈿餘荒苑謂鄢
花墮珠衣泣故宮謂桑祇可興亡歸氣數莫將成敗論
英雄孝陵雲樹啼烏急一樣蕭蕭白露中

晴川閣題壁

晴川閣外夕陽明我亦樊川愛晚晴魚尾斷霞紅影動鴨
頭新漲綠波平圓暉入戶窺無迹斜照當牕倚有情惆悵

夢兒亭畔路海門何處暮潮生

擬於瓜洲彩虹橋畔建夢兒亭

琴臺

漢上層臺俯碧濤當年有客此橫琴
金徽玉軫空天壤流水高山自古今
孤館春閒塵夢覺平湖夜靜月華深
無人更倚江城膳愁絕陔蘭入苦吟

秋晚登黃鶴樓有雛鶴繞樓三匝長
唳而去適得琅嬛師來鶴詩懷羽士之
留蹤惜臯禽之永逝感而賦之

天外愁心入杳冥烟波回首太湖萍
寒姿誰憶王恭斲瘦影空留薛稷屏
緱嶺人歸仙寄語華陽客去世留銘松
花滿地桐陰轉惆悵浮邱一卷經

仙禽原合號胎仙取箭銜書閱歲年風月夜深前赤壁林
臯秋冷古青田山中梅謝昏昏月磧上苔深漠漠烟何處
滇雲天一角清商愁絕是湘絃

江上蒼茫此一樓樓前江水拍天流支硎路遠難尋夢華
表雲孤易感秋思子臺營新鄂渚夢兒亭憶古瓜洲繞闌
三匝歸何處極目烟波萬里愁

空同招元鶴歌和家受笙

鶴飛翔兮空同之陽飲玉泉以爲津啄瓊田以爲糧鶴棲
遲兮空同之陰依紫芝以爲宇息瑤花以爲林鶴之來兮
下廣莫之遙野尋荆山之丹砂緬鑄鼎之遺冶鶴之去兮
凌浮雲而上征落二翮之遺毳有九臯之遠聲豈華表之

畫字非洛濱之吹笙昏昏默默兮道之形窈窈冥冥兮道之精元之又元兮吾無能名空同可至兮吾將從乎廣成

黃鶴樓詩

客游漢上小住武昌下榻黃鶴樓者數夕偶共羽流閒話茲樓故實因爲小詩記之

鵠磯連鵠岸黃鵠古名山城影無多曲江流第幾灣闌干

雲外出樓閣雨中閒仙洞陰苔闕何人跨鶴還黃鶴樓在黃鵠山上

有黃鵠岸黃鵠磯鵠灣諸名費禕洞在黃鵠山陽呂公洞在黃鵠磯陸游入蜀記謂之仙洞

昔年費文偉偶向故山歸仙駕停華表還如丁令威滔滔

江水下冉冉白雲飛黃鶴重來否依然舊石磯圖經云費禕登仙嘗

駕黃鶴憩此遂以名樓事見唐閻伯理黃鶴樓記則茲樓之建久矣禕江夏鄆人也

何處尋仙跡辛家舊酒樓果從筵上壁畫向壁閒留鶴舞

金尊暮雲開鐵遂秋羽衣曾照影江水至今流辛氏市酒山頭有道

人數詣飲辛不計酬道人臨別取橋皮畫鶴壁上日客至拍手引之鶴當飛舞以侑觴辛遠致富十年後道人復至

取鐵遂作數弄跨鶴乘白雲去見報恩錄

亦聞荀叔偉清宴此延賓有客雲中下能言漢代春齊梁

留故跡魏晉渺微塵何事簪毫者差池到古人梁任昉述異記云荀

瓌字叔偉嘗憇江夏黃鶴樓上有駕鶴之賓降自霄漢鶴止戶側仙者就席賓主歡對既而辭去蓋遇仙者荀叔偉

所遇之仙則費文偉文偉禕字也而通志引述異記以文偉為叔偉之誤乃作者不善讀書之故朱文正公費公祠碑始正

其失

莫誤滕王閣仙人王子安偶然下黃鵠亦似跨青鸞天淨

朝雲麗山空暮雨寒南齊遺跡在江水繞仙壇黃鵠樓在黃鵠山仙

人王子安乘鶴
過此見南齊書

仙客唐朝呂登高覽八荒擲桃曾爛石食棗尙留香踏月

題眞聖乘風過岳陽枕頭如可借我欲夢黃梁

黃鵠磯上有擲桃痕

世傳呂仙假賣桃以驗衆第云歸與稚子無及父母者呂
仙擲桃於石其痕尙存名仙桃跡也仙棗亭乃小吏食棗
成仙處月夜聞籊跡之
壁間有詩末書呂子

崔顥長吟處詩篇最有名當年李太白低首謝宣城雲樹

蒼蒼合烟波歷歷明後來題壁者此地不須爭

詩老相逢處東行孟浩然但聞招雅集亦未詠新篇花月

流連跡江山餞別筵孤帆樓下去一棹廣陵烟

昔者朱公叔盤陀舊石頭曾師呂仙跡亦與費公遊峴首

新祠在韓陵片石留高文叅慧業終古在茲樓

朱石君相國官楚北

廉訪日夢見費公哦遶聲鶴翼之句乃
考志乘爲建祠於仙棗亭左勒石祠壁

月夜橫長遂梅花滿大隄我來江上住三宿此樓西酒自
臨波酌詩仍倚壁題乘風欲歸去漁隱舊西溪

黃鶴仙人歌

余賦詩之次夕移榻仙棗亭夢二客過訪一綸巾
羽扇一羽衣腰玉遂皆疎髯玉貌神采奕奕若朗
月照人心魂俱爽羽衣指綸巾者曰此費公也吾
子旣知其蹤跡何不作黃鶴仙人歌以紀之卽取
案上畫鶴箋就宿墨脫稿二客且讀且點首竟羽
衣者摘窗外樹上棗二食余開戶送客各跨一鶴
飛去旣寤隱隱聞雲際遶聲啓牕視之江流無聲

殘月正墮西嶺翦燈疾書尙憶十六七因點竄足
成之仙緣耶翰墨緣耶綸巾羽扇者費公羽衣腰
玉邃者呂仙耶昔朱石君太傅於乾隆丁亥秋夢
中見費公因爲建祠今道光丁亥相去正六十年
復覩茲靈跡事亦異矣

君不見遼東丁令威千年化鶴還歸來城郭人民異今昔
至今華表山花開又不見洛濱王子晉當年跨鶴閒吹笙
昇仙太子有祠廟至今夜月緱山明費公忠孝人烟霞舊
儔侶息駕此山阿一樓突兀臨江滸公自何年來樓自何
年起記異者誰任彥昇遇仙者誰荀叔偉黃鶴畫壁樓始
名有人記載留圖經永泰元年作樓記後來還有閻伯理

誰解題詩壓元白詩與高樓同一絕謫仙搗筆讓崔郎掉
頭去作金陵客邯鄲有客炊黃梁三醉題詩過岳陽偶然
樓上橫玉遂至今江郭梅花香當年朱太傅亦是仙之人
夢中見費公攀留仙駕祠堂春鶴者仙人之騏驎車輪安
穩如車騎黃鶴分明黃鵠同一舉方圓見天地間君稅駕
知何山或者蜀道青城間南陽諸葛老名士舊侶定復相
追攀吳宮花草銷沉久魏國山河亦何有八極神遊鶴背
涼太息興亡一杯酒二客和氣如飲醇謂余頗異尋常人
神仙正是吾輩事江山花月皆前身仙棗一雙香帶露送
客分明開戶去雲外依稀玉遂聲月白江空不知處

和作

嘉定
程庭鷺 薌香

江水無波湛寒碧仙棗亭邊秋月白
蓬聲吹破沈寥天
悵望樓頭騎鶴客
高樓舊時黃鵠山
仙人費公昔往還
黃鵠長留黃鶴去
棗花開落三千年
君本蓬壺舊仙史
小住人間游戲耳
鞭笞鸞鳳共翱翔
烟駕重經洞庭水
平生讀盡琅嬛笈
蕊珠文字人爭習
家居葛嶺丹井旁
吟到玉鑪三澗雪
興酣策杖登羅浮
更攀天姥來瀛洲
蘭香萼綠艷復艷
神仙眷屬陪清游
竭來遠訪呂仙洞
竟有仙人來入夢
幔亭讌罷花滿簪
瑤島詩成酒盈甕
題箋定做王子安
不愁鶴背天風寒
聽它子晉笙徐奏
和汝湘娥瑟再彈
仙氣照人光瑩月
仙棗一雙香未歇
世人空詫此游奇
那知夜抱九仙骨
別來夢繞碧城秋

蘭漿思從鄂渚游花下羽衣聞壓籬月明黃鶴文西樓
紀夢

九月初五夜夢見裴之在邗上爲余處分瑣事甚
楚楚覺其死問之曰然壽盡也問在何處曰兒魂
長依翁翁磨墨輒侍側也旣寤思之豈恐余筆墨
失檢嘿相余耶抑望余定其詩文也賦此以誌哀
痛

滿窓寒月夜三更夢醒依然似隔生翁但拈毫兒侍側此
言可惜不分明

便不分明我亦知不因文字便因詩豪枯墨澹人天隔
此叢殘筆一枝

兒今何事不生天魂魄依依戀我前若不生天頻入夢免
尋碧落達黃泉

蒲柳驚秋我已衰此生難望汝重來
愍孫倘有癡頑福望汝關心到夜臺

飽嘗世味卅三年或有人天未了緣
入世倘教仍此味不如作佛作神仙

將旋吳門畱別漢皋感事紀程積成篇什

青鸞閣下經年住黃鶴樓中幾度遊
滿目雲山滿襟淚可憐今日是歸舟

記放春江上水船雲山如畫總潸然
彩虹橋下春宵夢此事傷心已一年

幾生脩到葦花漁，鎖鑰吹雲過月湖。隱逸神仙兩無著，恰教蹤跡混屠沽。

明珠江上戟門開，花首臺高遠夢回。珍重將軍苦相憶，天

涯幾度寄書來。

廖蕉園將軍關切最深，屢自粵東寄書問訊。

勸將詩卷廣流傳，杭屬齊名恐未然。我亦天涯正相憶，滇

池明月點蒼烟。

琅嬛夫子自滇寄書勸以登臨，舒嘯並勸流傳詩文。

舊游回首憶尊罍，官閣揚州一樹梅。廣座聽談西域事，馬

蹄新自玉關來。

楊剛亭中丞話揚州舊事，並談西域用兵事。

思舊畱銘寫斷腸，知君文筆繼歐陽。武昌無限新栽柳，最

憶琅邪大道王。

王霞九學使與裴之交，好衡文取士，輿論翕然。

靄然和氣玉壺春，風骨何殊賀季真。肯向天涯恤憔悴，名

場宦海見斯人

林敏齋糧儲荷以廉泉分潤

富春凝黛鬱青螺一卷春舟浸綠波各有鄉心吾更切武

林山下暮雲多

周芸皋觀察以春舟集見貽

桐城官保舊清門君是尙書幾葉孫話到紀羣交誼重梅

花東閣最消魂

方愚菴太守與裴之交誼最深

百年姓氏共苔岑流水高山寄賞音誰似黃初吳季重肯

因懷舊到陳琳

吳畚帖侍御庚申同歲生也待裴之最厚

夷門氣誼是清流明月紅橋問舊游記取天都菴畔住翦

燈聽雨話揚州

侯素崖運判因公留漢屢相過從

遂聲雲際響蕭疎雙鶴延賓影不孤仙棗亭前夢仙處勞

君著意寫新圖

黃穀原贊府爲余寫黃鶴夢仙圖

柴門閒看白鷗飛又向天涯話翠微我是西溪舊漁隱梅

花深處待君歸

蔣蔣村貳尹三十年舊交也恒以詩文相訂

雅集西園酒一巡錢塘蘇小是鄉親重編漢上題襟集黃

鶴延秋憶此人

黃芳谷有黃鶴延秋圖

美人名士各留香才鬼詩仙總擅場誰似鄱陽洪景伯異

書肯借壓歸裝

洪旂林以西青散記相贈

幾番青李寫來禽書學知君海樣深一代畫林搜已徧為

君新詠譜書林

包包山善書大字尤工

黃鶴樓頭酒一卮納書櫬譜細於絲多情誰似張三影解

借仙人玉遂吹

張慎菴精於音律嘗登黃鶴樓借呂仙玉遂吹江城引人以爲仙

才名一代沈東陽湘雨湘雲夢未忘君向瀟湘湖上住畫

圖還寫小瀟湘

沈花農寓後湖
畫小瀟湘館圖

一灣紅蓼白鷗飛湖上茆堂舊水扉問訊漢南楊柳色瀟

湘歸櫂幾時歸

王第花有瀟
湘歸棹圖

小范才名大范同五湖歸計有高風移家倘傍青鸞閣憶

遠應銷夜燭紅

范小舫欲
移居相近

極目烟江幾葉萍故鄉三十五長亭勸君早返揚州棹莫

更天涯作客星

江玉屏欲歸揚州
未果詩以堅之

生死交情事可哀百年相見到泉臺阮瞻名論憑君續莫

使羈魂破夜來

燈下叢殘淚眼枯鏡中蕭瑟髩毛疎漢南楊柳傷心樹經

歲西河感索居

萬里橋通萬戶沱蒼茫雲樹感風波久勞公等天涯住聽

范白舫在蜀龔續山蔣柏
到秋聲兩髻皤
泉王雲莊家則園在巴東

燈火連宵話小樓別懷爭禁不生愁秦家女壻蘇門客風

雪殘年爲我留

葉勃若生戴君濂
溪爲我留漢上

夢中曾見汝靈脩莫更羈魂異地留好逐歸帆隨我去有

人凝睇夕陽樓

近頻夢
見裴之

半生心血付奚囊金粉烟霞字字香珍重雕蟲梅處士一

函梨棗壓歸裝

梅春華爲余刻西泠閨
詠西泠仙詠攜板回蘇

三十年前舊酒徒詩名流浪滿江湖又從黃鶴樓頭見吹

徹梅花韻不孤

金十手山三十年
舊雨也相約同行

書空雁字拂雲迴極目瀟湘兩岸苔最是初明風調好載

將鸚鵡渡江來

沈生韻林攜所蓄鸚鵡同歸

分明小劫感龍華無復雲裾踏雁沙惆悵細腰香夢在畫

船惜未載桃花

擬載桃花夫人塑像回蘇不果

隨風落葉點輕衫別後音書寄幾函珍重諸君遠相送臨

江閣上看開帆

橫菴虛谷小舫濂溪荅生待余開帆乃去

晴川閣下挂帆行江水東流無限情同坐妙蓮花一葉青

山影裏話三生

所乘紅船曰妙蓮花包山所造以送手山及余

黃岡對面好烟巒東下江流第幾灣何處東坡前赤壁又

從樊口看青山

樊口在武昌西岸山色最佳

將軍武謫最風流回首烏飛赤壁秋芳樹飄零啼鳥換至

今人說散花洲

散花洲在大冶是吳王犒周公瑾赤壁戰勝處

細雨無聲濕綠蓑漁童收網月中過又從西塞山前泊何

處烟波張志和

道士張志和隱居處

絕壁浯溪半夕陽杯湖小隱亦徜徉水牕閒讀聲隔子一

角青山憶漫郎

西山是元次山隱處

涉歷風濤二十秋流行坎止任虛舟四更月出漁陽口又

聽舟人語舵樓

桃花高髻藕絲裙彷彿揚州月二分楚女多情吾未識水

牕聽話美人雲

聽手山話婉真文漪韻蘭色藝楚女多情諺也

美人何處泊蘭舟楓葉蘆花各自愁日暮琵琶亭下泊隔

船猶唱四弦秋

日照香爐生紫烟匡廬山色翠無邊泊舟最憶潯陽郭爲

有題詩孟浩然

玉淵飛瀑下長虹古寺棲賢積翠中采藥春山吾有約題
詩先寄李騰空

出山雲嬾又風催宦海名場百念灰客路怕經彭澤縣爲
他五柳早歸來

商量霧鬢與風鬟楹帖雙題積翠間片刻帆飛大江水傷

心最是小孤山

小孤山有裴之楹帖

殷殷何處起鯨鏗水石相春作意鳴我欲小舟停絕壁夜

深來聽石鐘聲

石鐘山在湖口

閒看兒童弄釣竿朝朝暮暮聽迴瀾避風三日華陽鎮愁

絕人間行路難

華陽鎮阻風

高齋學士盡英才曾向蕭梁橐筆來萬樹梅花環水郭南

朝帝子讀書臺

池州有昭明讀書臺

蹤跡飄零感轉蓬馬當一角暮雲中無心更上滕王閣祇
乞江神助順風

隔江山翠滿船牕烟外飛來白鳥雙紅樹斜陽池口驛更
無遺趾說南江

九華原是九青蓮先後詩名萬口傳我愛池陽山色好半
緣太白半樊川

天都峯下萬雲鬟積翠蒼茫雲海閒誰解臨江起高閣東

流郭外看黃山

東流郭外正對黃山

皖公山色映波青估客帆檣繞郭停二十年前題壁處不

堪重過大觀亭

攔江磯石阻雲帆珍重長年測再三惟有夢魂攔不住又
隨征雁落江南

一灘斜日錦文斑潮落前灘第幾灣淘盡英雄淘石子大
江東去幾能閒

浮山高出浪花堆一朵青蓮水面開行過樅陽三十里更
尋漢武射蛟臺

隔江樓閣指螭磯紅葉酣霜烏桕肥記取鳩茲江上別一
行征雁兩行飛

漢樹隨風落葉疎潯陽九派託雙魚封題更託西飛雁此
是東歸第二書

星斗帆檣采石舟
天門雙黛暮烟秋
今宵牛渚西江夜
讓爾高吟太白樓

水榭風花往日春
秋燈如影夢如塵
青衫紅粉都零落
爲問南朝更幾人

已分羊裘作客星
萍蹤流轉幾能停
衝寒還放橫江櫂
寄語金焦兩點青

高淳湖阻雪感懷

老母倚閭望念子
如念雛如何風雨雪
阻我遲歸途三復
陟岵詩媿此反哺鳥

予季官江南分符山水縣
雲樹百餘里相憶不相見
何處有蘆花媿此成行雁

病婦臥床久朱顏近益槁生平同穴盟白首期偕老經歲
東西飛媿此同林鳥

諸姬侍我久合跗艷花萼義命各自安蘆簾下紙閣風雨
感飄搖媿此營巢鵲

孤孫依寡母淒淒感霜霰如玉方在璞如金猶待鍊西華
葛帔寒媿此將雛燕

兩女雖已嫁一女仍無家太息胡雁壻弃置同天涯朝陽
理毛羽媿此林端鴉

有友客我幄有戚羈雲夢何日歸舊林嬌吭芳林唳衆羽
附雲霄媿此丹山鳳

道出潁陽女弟子于蕊生以和余西泠閨詠百二十

首就正爲題一律

鏤雪團香筆一枝半調金粉半凝脂
勞將曹氏絃歌集譜入松陵倡和詩
鳳管哦成朝繡綬烏絲寫竟夜燈遲
他年倘附西河集應勝昭華絕妙詞

將刊附拙刻之後

以石供十二峯贈張吟樓置安亭震川書院勝之以詩

生平頗抱米顛癖到處攀雲探奇石
紫陽贈我十二峯瘦骨稜稜起寒碧
梅花官閣留三年冷雲搖蕩梅花烟
歸裝藉作鬱林載秋帆遠放韓江船
吳中佳石多奇秀我石玲瓏出雲構
碧城仙館夜譙開彷彿華燈圍翠袖
震川文筆世莫當我亦角逐韓歐陽
書院新開士林集故人誰似嚶

城張一朝割愛脫手贈蘆中似解千金裝嗚呼古來萬物
無常主位置石交期得所君不見平泉奇石久已無韓陵
片石空解語巨稱良岳小仇池一例烟雲渺何許惟有區
區文字緣翰墨流傳自千古記中二石矧尙存八表停雲
一龕貯明年春水安亭江來訪故人還訪汝

溫都斯坦玉碗歌

往在京師遇波斯客以玉碗求售脂膩蜣膏影薄
蟬翼索價千金置余案頭累月以無售者還之茲
復見此碗於吳門市中感而賦之

鄂敦淖爾河源白溫都斯坦江源碧江流東下過和闐萬
里玉河涵玉液玉液騰輝夜當年家家采玉如采石鯨人

抱璞出重淵中有連城萬金璧西洋鬼工技最嫻製成妙
器如輕紈此椀亦自西域出遠度星宿之海崑崙山憶我
昔從燕市見曾入文房伴書案案頭精氣奪文光中夜流
輝燭秋漢今年吳市又相逢依舊流光燦白虹春燈四壁
花照座小槽香泛真珠紅君不見鏤椀來從鄂羅斯譯言厄勒素
彼通北路茲南路雪海冰山幾萬重知是中原最西處
上年西域機槍明王師萬里勞西征三戰三捷四城復金
甌永奠黃龍盟珠崖奔與玉壁守長策何似屯田耕滿天
風雪一尊酒努力廟謨休用兵

梁茝林方伯以冬日同人遊滄浪亭詩索和卽用原

韻

翰墨烟霞總夙緣
尋僧竹院意蕭然
賦詩膈月王摩詰
築室東林白樂天
風定茶香消渴吻
日移松影上吟肩
賓朋參佐俱風雅
知是坡仙是閩仙

蒼蒼遠樹帶疎林
幾疊烟雲畫玉岑
天末遙看鴻雁字
雲中如聽鳳鸞吟
黃金鑄像三生事

郡人刻五百名賢象置祠中

羣玉藏

書萬古心

余議請南禪寺建書藏以繼香山舊跡

一片滄浪亭下水
夕陽漁

唱有清音

哀智娥

娥李姓滑縣道口小家女
嘉慶十八年九月爲逆賊牛亮臣所得
使侑觴娥不從怒且詈賊并其母
磔之年甫十六
劉松嵐集中有詩

智娥顏如花智娥膚如雪智娥心如玉智娥骨如鐵智娥
智且忠爲國殲賊魄智娥智且孝免親遭賊淫智娥智
且仁倡衆以引決智娥智且勇舍生以全節霜寒玉樹摧
雪重瓊花折人死心不死身滅名不滅吾欲表娥心表以
貞與潔吾欲謚娥名謚以英與烈招魂定爲霞埋血應成
碧兒女此英雄何如毛惜惜

臘八日以明阮福畫無量壽佛供海宏寺爲
人祈百歲壽紀之以詩

吾親不佞佛清淨得佛理平等大願船卽心卽佛矣今秋
屆八秩康強宜視履官閣迓板輿孫曾介繁祉吳郡有古
刹劫火一朝燬獨母金塔存不與旃檀圯

春間海宏寺燬於火獨太夫人

所造金塔存

以証現在因花拈月可指茲象誰所圖蓮目而貝齒我聞茲佛者卽阿彌陀是梵筴頌宗雷秘笈書蘇米以茲翰墨緣讚彼龍象體服賈感牽車行役嗟陟屺兒年亦周甲日暮行不已曾當誓佛前遠遊從此止定省奉晨昏飲膳娛甘旨兒壽亦無量母喜佛亦喜

月中踏雪過滄浪亭有懷

醉披風帽踏疎林路繞滄浪一徑深雪樹影斜寒月轉冰池光碎凍星沉白封階砌重門掩紅濕闌干畫閣陰指點杏橋南去路有人燈火夜橫琴

十二月十六距裴之之逝一歲矣奉佛禮懺感賦一首

佛燈紅出入關齋往事傷心百念灰六合為家偏遠別九

夢其偕鐵雲從西戎軍事九原可作倘重來丙子前夕夢其好乘灝氣

朝天關府上年十二月廿四日吳門北壇忽書同知衙雲南

也駭而送之莫遣幽魂滯夜臺春間顧君子雨在太倉夢其來

人天永隔矣畢竟雲車去何所苦將清淚滴深杯此